

古文尚書鄭氏注箋釋

古文尚書鄭氏注箋釋卷三十

曹元弼學

多方第二十七 周書 古文尚書 鄭氏注

釋云大傳云。周公攝政一年救亂。五年克殷。三年

踐奄。四年建侯衛。據書序成王政將薄姑多方三

篇連接。皆言伐淮夷踐奄事。則此三篇皆攝政三

年作。當次康誥前。而退在君奭後者。或別有微旨。

如周官亦攝政三年作。而次在立政前。或壁中簡

冊散亂。今古文家推校不能確定。疑則傳疑。如蔡

仲之命費誓雜則穆王書中之比。余於多士經。及

成王征序論之詳矣。周本紀於多士無逸下云召公為保周公為師。其下蓋入君奭以下諸序。而文句有脫。成王政三篇直錄序文。未暇別其先後。史記此類多有之。魯世家言伯禽作費誓在管蔡反時。則彼經云淮夷徐戎並興。與此成王伐淮夷為一時事。蓋王命周公伐淮夷及奄。而徐戎乘機叛周犯魯。魯公征之也。偽孔有奄與淮夷再叛。周公初征。成王再征之說。不知孟子明言周公伐奄討其君。下云滅國。大傳亦說踐奄云殺其身執其家。蓋周公伐奄滅之。別立其族人。遷至蒲姑。或并其

臣民遷之。而奄之故地。成王後以益魯公之封。安得有再征之事。成王即政後天下太平。殷之地皆為康叔所統。殷之民分屬於周。於衛。於魯。於晉。管蔡所監之地皆屬衛。奄地屬魯。四國皆虛。豈復能叛。此經云大降爾四國民命。則是周公東征。四國并誅。而告其臣民。彰彰明矣。王氏先謙謂周遷四國之民於洛。然四國之民。斷非一邑所能容。經傳但言遷殷民於洛。不聞并遷四國之民於洛。若果四國之民皆在洛。而無重兵以鎮之。以縱其再叛。有是理乎。王氏又據孟子周公相武王誅紂伐奄。

謂武王一伐奄。周公再伐。成王三伐。不知孟子此

文當以周公相武王誅紂為句。伐奄三年討其君

為句。止謂周公東征三年而踐奄也。

趙注未允

若武王

時已討奄君而滅其國。更何能於管蔡祿父叛乎。

此篇所言。皆論黜殷救民大義。以曉告四國多方

民被誑誤者。初非為伐淮夷與奄一端而發。合上

二篇。自當與大誥歸禾嘉禾微子之命康誥為類。

故下周官序總之曰。成王既黜殷命滅淮夷。與大

誥序將黜殷微子之命序既黜殷命正相應。如此

而謂諸序所言非一時事乎。而謂多方非作於多

士前乎。此數序史記述之皆於今序大同。正足證明鄭說與今古文舊義皆合。皮氏等不考此經及周官序明文。集人口給。反矛盾自陷。無乃過與。

惟五月丁亥。王來自奄。至于宗周。

奄國在淮夷之南。周公居攝之時亦叛。王與周公征之。三年滅之。自此而來歸。詩無釋曰五月者。周

詳疏

公攝政三年之五月。於夏正為三月也。是時周公東征。管蔡商奄四國大功已成。請成王視師。四國之中當最先攻殷。次管蔡。最後踐奄。出入三年而畢定。故王親師在奄。大誥序云周公相成王將黜

殷。其下歷敘黜殷命伐管蔡伐淮夷踐奄。皆書成王。而此經云王來自奄。序云成王歸自奄。蓋奄既滅征伐事畢。周公乃請王至奄一一告成於王。王既視師受成。即自奄來歸。至于宗周鎬京。詩譜云。武王作邑於鎬京。謂之宗周。是也。鄭云奄在淮夷之旁者。蓋在淮夷北旁近魯之地。淮夷非一。奄為倡率。故大誥序痛言淮夷。而成王政序於伐淮夷下。特云踐奄。大傳稱奄君導祿父三監叛。則攝政時亦叛可知。故詩破斧傳云。四國管蔡商奄也。王親來視師。故云王與周公征之。書至于宗周者。猶

春秋書公至自某地。王者為天下所宗。故周室東遷亦謂洛邑為宗周。此第一章第一節。記事以發端。

周公曰。王若曰。猷告爾四國多方。惟爾殷侯尹民。我惟大降爾命。爾罔不知。

箋云四國。管蔡商奄也。

詩破斧傳

釋曰

王視師畢即歸

京師。周公尚在東方。鎮撫勞來四國多方。註誤。驅脅之民。及殷國頑民。區處條理。使得其所。而大曉告之。周公攝政作大事。則權稱王。大誥書王若曰。王謂周公。此經於王若曰上加周公曰者。以上有

王來自奄之文。故此特稱周公以別之。明來自奄之王為成王。此則周公攝王也。故下云洪惟與大誥洪惟同。洪皆訓代。代即攝也。康誥之王亦周公。故云洪大誥治。至多士在歸政後。周公傳王命以告。非自出誥。則不復言洪。此書法之大別也。猷道也。猷告猶告導。四國統舉管蔡商奄。多方謂庶邦從叛者。若熊盈淮夷徐戎及逸。周書所稱諸慝國皆是。告。告其士民。下文所謂猷告爾有方多士也。惟與梓材惟邦君之惟同。猶與也。殷侯。武庚也。正名殷侯。明其為叛臣。猶大誥云逋播臣也。尹。治也。

殷侯尹民。武庚所統治之民。下文所謂暨殷多士也。上云四國。殷已在內。又別言之者。武庚為叛首。其民即紂都遺民。不善者迷頑尤深。善者或有故主之思。故更專呼之。篇中所言。實以晚諭殷民為主。使庶邦咸聞知之。知周之伐殷初無利天下之心。故篇名多方而發首云告導爾四國多方與爾殷侯所統治之民。見晚告之所尤切。降下也。命。教令也。言我惟大下爾教命。爾應無不知。此第二節。呼多方民而告之。多士云昔朕來自奄。予大降爾四國民命。即此經所云王來自奄。我惟大降爾

命。下文所謂我惟大降罰四國民命也。

洪惟圖天之命。弗永寅念于祀。

箋云

寅。敬也。

釋

釋曰

洪。代也。惟。思也。周公自言代

行政者。思王者圖度天命之祐否。當長敬念天道而奉行之。使天享其祭祀。所謂克配上帝也。豈有圖度天命而可不長敬念于祭祀乎。江氏云。將備言夏殷之不善。圖天命以至滅亡。而先言此以發其端。案明王以孝治天下。祀天以祖配。行政使民。常若惟天惟祖宗臨之在上。惟恐四海兆民之或失其所負。天地祖宗之付託。無以奉郊社宗廟之

祀是以令順民心。動合天道。此三代之所以長享天祿也。

惟帝降格于夏。有夏誕厥逸。不肯感言于民。乃大淫昏。不克終日。勸于帝之迪。乃爾攸聞。

箋云馬氏迪作攸。曰所也。

釋文

釋曰天生民而立之

君。使司牧之。勿使失信。天之愛民甚矣。順天以保民者興。子孫長享其祿。使民有常君而安。逆天而虐民者亡。更使有德者代之以濟民於危。得天下以仁。失天下以不仁。天地之常經。古今之通義。是黃帝以來則然。但周公不欲以久遠論。故但舉多

方所共聞者論之。江氏云。夏桀之事舊矣。必斥言之者。欲以商之伐夏。況周之伐商。明武王與湯同道。于以服多方焉。多士之斥夏亦此意也。感憂也。惟帝升降于夏以監其德。有夏大肆佚樂。不肯有憂戚之言加于民。言不卹民也。乃大淫荒昏亂。不能一日勸勉于天之道。乃女所聞知也。案迪道常訓。道又同導。帝降監于夏以災異譴告之。導之改惡為善。而桀不能有終一日之自勸勉。遇災而懼。側身修行。所謂夏弗克庸帝也。迪攸聲相近。馬作攸訓所。所猶處也。洪範曰。惟天陰騭下民相協厥

居。天之所以居民者。如大學止仁止敬止孝止慈止信之等。王敬作所。君子所其無逸。即帝之所也。厥圖帝之命。不克關於民之麓。乃大降罰。崇亂有夏。因甲子內亂。不克靈承于旅。罔丕惟進之恭。洪舒于民。亦惟有夏之民。叨憤日欽。剝剝夏邑。

甲狎。疏云鄭以甲為狎。習為鳥獸之行于內為內亂。疏箋

云。下文曰慎厥麓。又曰開釋無辜。靈善也。詩定之方中箋

旅衆。洪大也。釋舒。古文作茶。考工記工。人注義。壁中古

文作墜。說文曰。墜。忿戾也。从至。至而復孫。孫。遁也。

周書曰。有夏氏之民叨墜。墜讀與摯同。至釋曰。此

承上文而言桀之淫昏不恤民。所以失天命。厥其
其桀也。孫氏云。麗者。麗於獄也。周禮小司寇以八
辟麗邦法附刑罰。注。杜子春讀麗為羅。疏云。羅則
入羅網。當在刑書。呂刑云。越茲麗刑。又云。苗民匪
察于獄之麗。是也。崇。終也。言桀圖度帝命。不知天
之愛民。不能開釋于民之麗于罪網者。乃大下誅
罰。終亂夏邑。案孫釋開字麗字與下文義協。甚當。
桀自謂已有天命。矯誣上天。布命於下。殄戮用乂。
為割剝亂政於夏。釋言云。甲。狎也。以甲為狎之借。
正釋此經。狎。習也。言桀習慣於內嬖淫亂。因此盡

惑滋甚。不能善順承于衆心。任用羣小。黷貨虐民。
周禮大司馬云。外內亂。鳥獸行。則滅之。注引王霸
記曰。悖人倫。外內無有異于禽獸。傳記言桀嬖妹
喜。蓋亦如紂之婦言是用。多罪逋逃。是信是使。俾
暴虐于百姓也。孫氏云。罔無也。丕通不進者。史記
呂不韋傳云。進用不饒。索隱引小顏云。財也。漢書
高帝紀云。蕭何主進。注師古曰。進字本作資。恭與
共通。釋詁云。具也。舒者。考工記注云。荼。古文舒。叨。
說文作𠂔。貪也。重文作𠂔。欽與飲通。釋詁云。興也。
割與害通。言桀貪無不以財進奉共職。大為荼毒。

于民。亦惟夏氏貪戾日興。謂上有好者。下必甚也。
殘害夏邑。如湯誓所云。率割夏邑。呂氏春秋慎大
篇云。桀為無道。暴戾頑貪。天下顛恐而患之。是也。
案孫說皆善。舒荼古通用。考工記段荼為舒。此經
段舒為荼。憤後出字。當本作望。大學別本有憤字。
江氏訓麗為附。云。天命之去就。因乎民心。民所附
則附之。所去亦去之。桀圖天之命。不能開闢于民
之所以附麗。又讀欽如字。云。欽者。思望之意。詩云。
憂心欽欽。亦惟夏氏之民貪饕忿戾。日欽欽然。思
剝割夏國。言民之貪亂。欲夏亡也。湯誓曰。時日害

喪于及女偕亡。此之謂義竝通。說文引經多一氏字。或壁中本然。

天惟時求民主。乃大降顯休命于成湯。刑殄有夏。

釋曰此言民心所去即天之所廢。桀洪舒于民。天

命乃去夏歸湯。江氏云。天惟是之故求可為民主者。乃大下光顯之美命于成湯。使之誅絕有夏。案天生烝民。無主則亂。天之愛民甚矣。必擇聰明睿智能盡其性者為主。養之教之。使民皆相愛相敬。相生相養。遂其飲食男女之欲。以行父慈子孝。兄良弟弟。夫義婦聽長惠幼。順君仁臣忠之義。而

免於死亡。貧苦爭奪相殺之患。是謂民之主。是故
順天以保民者王。逆天而虐民者亡。顯光明也。休
美也。刑罰畢也。殄絕也。此第三節。言人君荼毒
天命。當念天心所享在能保民。桀逆天暴民。故天
命去夏歸湯。

惟天不畀純。乃惟以爾多方之義民。不克永于多事。
惟夏之恭多士。大不克明。保享于民。乃胥惟虐于民。
至于百禱。大不克開。

箋云

純。大也。

釋

曰

此申言天所以刑殄有夏之

意。多士云。天惟純佑命。言天大助之。此云不畀純。

謂大不與之。天意想桀甚也。或曰。純專也。言天不專與一家。命不于常也。江氏云。義民猶民義。謂賢者。惟天之不予夏大矣。所以然者。乃惟夏王以爾多方之賢。義型于民者。黜退之。使不能久長多事祿位。言桀不任賢。胥皆也。惟夏共職之多士。大不能明安享于民之道。乃皆惟虐于民。其所為虐政。至于百計。大不能開于民之麓。言桀任用小人。案江說甚明。義善也。義民即善民。民儀作義民。猶民獻作獻民。義民不克永于多享。若關龍逢忠諫被殺。伊尹五就卒去。是也。安享于民。謂民所以安享。

天祿之道。洪範所謂敘時五福錫厥庶民也。大不克明此道。而肆虐百端。則民怨氣上于天怒矣。大不克開。孫氏謂不能開釋民無罪離法網者。江氏謂不能開通於民心所以附麗者。竝通。立政義民。江說亦善。呂刑鴟義。馬鄭謂輕忽劫掠善良。古說或云消義。皆不必破字。王氏念孫讀立政呂刑之義為俄。訓邪。俞氏樾王氏先謙又讀此義民為俄民。說雖可通。然經師相傳無此訓。恐未必然。此第四節。申言桀失天命之由。

乃惟成湯。克以爾多方。簡代夏作民主。慎厥麗乃勸。

厥民刑用勸。以至于帝乙。罔不明德慎罰。亦克用勸。
要囚。殄戮多罪。亦克用勸。開釋無辜。亦克用勸。今至
于爾辟。弗克以爾多方享天之命。嗚呼。

箋云

簡。閱也。

易繫辭
虞注

論語曰。簡在帝心。或曰。簡。擇

也。

詩簡

釋曰

桀為天所棄。而天命歸湯。乃惟成湯。

能以爾多方之歸德簡在帝心。代夏作民之主。或
訓簡為擇。江氏云。成湯能以爾多方之賢者簡擇
而任之。用是代夏為民主。慎厥麗。謂慎民之麗於
法者。預防其觸罪。平反其冤誣。原宥其過誤。乃所
以勸民為善。記曰。湯以寬治民而除其虐。是也。其

民之被刑者。皆惡積罪。大衆所同惡。亦用以勸民去惡爲善。康誥曰。殷罰有倫。義刑義殺。是也。江氏以麗爲民心所附麗者。因民之所利而利之。因民之所惡而去之。皆所以勸民。自湯以後。賢聖之君六七作。以至于帝乙。大較論之。罔不明德慎罰。守湯之法。亦能用勸民。帝乙說詳酒誥。明德慎罰。詳康誥。要囚。謂審覈囚人之要辭。亦詳康誥。王氏先諫云。殄戮罪人。民知無枉。亦能以勸。赦宥無辜。民知無縱。亦能以勸。言刑平也。案此與桀不克開大降罰。洪紂于民。以致叨憤日興者。正絕相反。而識

者乃謂殷人任刑法。或且誤以商鞅之法為商代之法。其誣謬甚矣。表記所謂殷人先罰而後賞者。謂先除害乃興利。三代先後各因時宜。其以德教為本而刑罰輔之。勸賞而畏刑恤民不俸一也。故詩曰不僭不濫。此湯所以獲天福也。正此經之義。爾辟。辟君也。謂紂。江氏云。爾君承先王之德澤而不能以爾多方享天之命。可慨也夫。案此經言殷先王之德甚詳。言紂惡甚畧。蓋體殷民不忘先王之心。言累數百年深仁厚澤而紂一旦盡傾覆之。深可憫惜。故結言嗚呼。下文又言天降喪于紂。猶

有可挽回之望。而紂終自絕於天。天命乃去殷歸周。則紂之不善天亦無如之何。多殷先哲王在天亦無如之何。殷亡初無與於周。而多方當順我周王。熙天之命矣。此皆平心實事曲當情理之言。絕無彼我興亡權力之見。參乎其間。所以為聖人之言也。此第五節。言湯受天命以寬治民。繼世多哲王。至紂乃蹈桀覆轍以錯天命。以上第一章。言天惟德是享。桀有昏德。天命歸湯。今紂又以無道失之。

王若曰。詰告爾多方。非天庸釋有夏。非天庸釋有殷。

乃惟爾辟。以爾多方大淫圖天之命。屑有辭。

釋曰

詰者。上所以告導於下。詰告爾多方。言作詰

以告爾多方也。庸。用也。釋舍也。庸釋。謂用意舍去

之。皇天無親。惟德是輔。命不于常。天無容心。夏殷

之失天命。皆其自取。非天有意舍之也。夏之事我

則既言矣。殷之不克享天命。乃惟爾辟以爾多方。

大淫縱其欲。自謂有命在天。以即喪。江氏云。爾君

紂挾有爾多方之衆。大過圖度天命。謂不去己。動

作切切罪狀有辭。以故滅亡爾。商書曰。王曰。我生

不有命在天。是其過圖天命也。不言桀者。上以詳

言桀惡于此省爾。孫氏云。淫過也。屑有辭。多士作
洪有辭。馬氏云。屑過也。玉篇云。屑碎也。楊倞注荀
子云。屑。襍碎衆多之貌。言有罪狀衆多以致滅亡。
案馬於多士亦作屑而訓同洪。於此當亦然。謂過
惡有一一可數之辭。章聞於天也。君以民存。亦以
民亡。多方其可恃乎。初登于天。復入于地。能責命
于天乎。

乃惟有夏。圖厥政不集于享。天降時喪。有邦間之。乃
惟爾商後王。逸厥逸。圖厥政不蠲烝。天惟降時喪。

箋云集就。詩小閭代也。釋馬氏曰。蠲明也。烝升也。
是傳

文釋釋曰此申言夏殷不善圖天命。所圖之政皆使

天不享其祭祀。所謂不寅念于祀也。孫氏云。言惟夏王圖度其政不就于享。天下是喪亡之咎。使有國諸侯代之。蠲絜烝美也。又惟汝後王紂。過其佚豫。謀其政不絜不美。天惟下是喪亡之咎。馬注蠲絜。明絜升者。言無明德升聞于天。案左傳引周書曰。黍稷非馨。明德惟馨。非德民不和。神不享。不就于享。謂不就于天。所以享之道。不蠲絜。誕惟民怨。腥聞在上。弗惟德馨香祀也。此第二章第一節。承上言夏殷失天命皆其自取。

惟聖罔念作狂。惟狂克念作聖。天惟五年須夏。

夏字據鄭

注改今之子孫。誕作民主。罔可念聽。
本作暇

夏之言假。天親紂能改。故待假其終至五年。欲使

復傳子孫。五年者。文王受命八年至十三年也。

詩皇

矣疏箋云。夏今本作暇。之子孫上或有湯字。

武疏中

論曰。墮其威儀。恍其瞻視。忽其辭令。而望民則我。

未之有也。莫之則。則慢之者至矣。小人皆慢也。致

怨乎人。惠己之卑。而不知其所以然。哀哉。故書曰。

維聖罔念作狂。維狂克念作聖。

法象

釋曰夏殷之亡

皆非天有意廢之。且天心仁愛人君。非至大無道

之極。天猶欲扶持而全安之。蓋人性皆有善。惡人

亦有可與為善之道。孟子曰。心之官則思。思則得

之。不思則不得也。思即念。人心之動。善惡無常。變

改甚速。

二語本王
氏先諫

發於心。形於貌。達於事為。而聖

狂分焉。大傳云。貌之不恭。是謂不肅。厥咎狂。又云。

思之不容。是謂不聖。鄭注。君貌不恭。則是不能敬

其事也。君臣不敬。則倨慢如狂矣。又云。容當為審。

審通也。心明日聖。孔子說休徵曰。聖者。通也。兼四

而明。則所謂聖。聖者。包貌言視聽而載之以思心

者。通以待之。君思心不通。則是不能心明其事也。

案心操則存。舍則亡。能念則心存。而倨慢者亦通
明有知矣。弗念則心亡。而通明者亦倨慢無度矣。
王氏云。徐幹以威儀言之。此古義也。能去其狂則
進於聖。新序刺奢篇言桀為酒池糟隄。縱靡靡之
樂。酒誥言紂燕喪威儀。是桀紂皆以狂亡也。案此
經聖狂二字。括洪範五事休咎始終。狂者肅之反。
肅即敬。克念則克敬。敬勝怠則為聖。怠勝敬則為
狂。此論其理。言失之毫釐。謬以千里。故作聖作狂
祇在念不念之間。與孔子言上知下愚以聖狂之
極言者不同。然上聖至誠無息。無時而不念。所以

必不作狂。堯之德曰聰明文思是也。下愚樂其所
以亡。無時而克念。所以必不能作聖。紂之不虞天
性是也。所謂不移。是則聖之所以為聖。狂之所以
為狂。仍在其念不念。與此經之義一也。天惟五年
須夏之子孫。鄭讀夏為假。古假暇字通。謂須待寬
暇也。狂者非無作聖之道。故紂之不善當誅久矣。
天以湯有大功德於民。且文王至德為臣止敬。三
分服事以祈殷命。故須待寬假終五年之久。冀其
克念改惡為善。以至子孫。延既訖之殷命而仍作
民主之至也。誕當讀為無逸。既誕今文之延。詩武

疏引作湯之子孫。或別本有湯字。文義頗明。然鄭注似無湯字。王氏先謙讀之字絕句。云。太誓鄭注云。禮說曰。天意若曰。須假紂五年乃可誅之。武王還師不伐。是須待寬假之。雖人事亦天心也。故云天惟五年須假之。案王說亦通。此五年中紂若能改。則子孫復延湯祚作民主。而紂終不改。且淫虐愈甚。其所為無可使天念聞者。天無如之何。乃命周割殷。如湯之革夏矣。聖人之心。天命所視為轉移。文王為殷祈天永命。而天須暇之。先天而天弗違也。武王觀兵還師。必待西須暇五年後乃恭行

天罰。後天而奉天時也。殷之亡。非天庸釋之。非周
敢弋之。多方可曉然共喻矣。文王受命八年。至十
三年。中匝五年。不汲汲誅紂。武王亦替天須暇之
心。絕無坐誤事機之慮。所謂非富天下也。餘詳太
誓。

天惟求爾多方。大動以威。開厥顧天。惟爾多方。罔堪
顧之。惟我周王。靈承于旅。克堪用德。惟典神天。

顧。由猶視念也。其意言天下災異之威。動天下之
心。開其能為天以視念者。衆國無堪為之。惟我周

能堪之。

詩譜

釋曰

鄭注語未完備。江氏疑疏家節

引。增成其義云。天以紂无可念聽。惟是求之于爾多方。下災異之威。大動天下之心。開其能為天以視念者。衆國無堪為之。惟我周王善承于衆。能堪用德。以主神天之祀。孫氏云。典同敷。說文云。敷。主也。案求爾多方。求其可作民主者。顧天。謂能顧念天者。君爽所謂永念天威。太甲所謂顧諟天之明命也。堪。勝也。靈承于旅。善順民心。以德懷之。民心即天心。民和則神享。故能主神天之祀。所謂寅念于祀也。愚又謂典。常也。神。猶引也。說文。神。天神。引出萬物者也。神有引義。故八引謂之八神。典。神天。

謂常引申天意。如天道好生。則引之以發政施仁。
天敘有典。天秩有禮。則引之以迪彝教。天命有德。
則引之以任賢官人。天討有罪。則引之以為民除
害之等。班孟堅頌漢德。作典引篇。或取此文。而以
訓詁字代之。

天惟式教我用休。簡畀殷命。尹爾多方。

釋曰江氏云。尹。正也。治也。天惟是用教我。周以休

祥。簡。簡。簡。付畀我。以殷命。使正治爾多方。案式。用也。
簡。亦大也。周德克堪。顧天。天惟教我。用休。大畀我
以殷命。使為多方主。言修德而天命自歸。初非有

意求位也。此第二節。言天須暇紂而紂不顧天。天命乃歸周。

今我曷敢多詰。我惟大降爾四國民命。

箋云白虎通曰。父為子隱。子為父隱。兄弟相為隱。

與父子同義。故周公誅四國。常以祿甫為主也。諫諍

釋曰上詳陳天命去就之由。明夏殷之失天命皆

桀紂自取。夏之亡初無與於殷。殷之亡更無與於

周。篇首所謂我惟大降爾命。爾罔不知者。大義已

備。故此結言。今我何敢煩言多詰。我惟大下爾四

國民以教命。使順王以享天之命。毋自速辜而已。

江氏云。下文乃有不用我降爾命。即此所降四國
民之命也。言有不用。則命是教命矣。篇首言我惟
大降爾命。同此教命也。案多士云。昔朕來自奄。予
大降爾四國民命。即此所降之命也。故目多士篇
曰。命有申。白虎通以四國為管蔡商奄。與詩毛傳
同。四國并誅。王法無私。而大誥多方多士皆以祿
父為主。成王征將薄姑。自專數奄君之罪。絕無一
言指斥管蔡。是為隱。班氏以四國內有管蔡。而成
王即政後。管蔡所監之地久矣。統屬於衛。則今文
說亦以多方為周公東征時作矣。若云追述前事。

則經文明云。今非若多士之云昔也。

爾曷不忱裕之于爾多方。爾曷不夾介乂我周王享天之命。今爾尚宅爾宅。攸爾田。爾曷不惠王熙天之命。

箋云

忱信。

詩大裕道。言方來近。

廣雅介善。又同相也。

釋詁介善。又同相也。

釋

曷一作害。不一作弗。

匡謬正俗引經

說文曰。攸。平田也。

从攸田。

周書曰。攸尔田。

攸尔田

攸一作田。

詩甫田

惠順。

釋言熙廣也。

晉語

釋曰

我周奉天救民非翼殷命。皆爾

所親歷。我言豈不信。爾何不誠信道之于爾多方

使無迷誤乎。爾何不速惡近善相助我周王以享

長治久安之天命乎。武王克殷。從民欲。修盤庚之政。故言今爾猶得居爾之居。治爾之田。非復紂時不有康食。攜婦子哀籲天。徂厥亡出執矣。爾既有政有居。何不順王以廣大天之命。使天下太平乎。此言其當順天命作周畜民。

爾乃迪。屢不靜。爾心未愛。爾乃不大宅天命。爾乃播天命。爾乃自作不典。圖忱于正。

箋云

屢。亟也。

釋數也。

詩巧言箋

康誥曰。今惟民不靜。

未。戾厥心。迪。屢未同。

釋曰

爾當惠王熙天之命。今爾

乃屢導而猶不靜。爾心未愛慕於善道耶。迪。導也。

康俗字。當為要。言開導亟數而猶不靜。蓋東征時。屢有文告。晚喻也。康誥作於攝政四年。所言正指此時事。故江氏云此之謂。又云。宅讀當為度。典法。正。長也。爾不大寸度天命乎。爾乃動作切切播棄天命乎。爾乃自作不法。謀取信于長上乎。此歷數責之也。案正。當謂正人。若伯夷叔齊。傳稱四國作亂時。以謀告夷齊。夷齊笑曰。此非我事也。夷齊避紂早矣。小腆蠢動。聞之望望然去。惟恐浼耳。作不典而求信于正。正其信之乎。夷齊恥食周粟。而太公謂之義。周公謂之正。周人稱夷齊與稱文武周。

公同。無毫髮忘諱。此可見聖人心德之公。各行其是。同歸於仁而已矣。

我惟時其教告之。我惟時其戰要囚之。至于再。至于三。乃有不用我降爾命。我乃其大罰殛之。非我有周秉德不康寧。乃惟爾自速辜。

箋云書舊說。管蔡篡畔。周公告教之。至于再三。論衡

至于三二句。或無至于字。乃字。漢書文三 **殛**一

告。至于三二句。或無至于字。乃字。漢書文三 **殛**一

作極。釋文 **殛**。誅。釋速。召也。鄉飲酒 **釋曰**此承上迪。屢

不靜。自作不典。而戒之。江氏云。戰。懼也。要囚。要決。所俘囚者之罪也。逸書曰。俘維九邑。我惟是之故。

其教告之。我惟是之故。其戰要囚之。重刑殺。故戰
懼。我教告爾已至再至三矣。乃有不用我所下于
爾之教命者。我乃大誅罰之。非我周東執之德不
安靜而欲誅罰女。乃惟女不用命。自召罪戾。案聖
人無不教而誅。教告之而不用命。乃警懼要囚之。
逸周書稱臨衛攻殷。殷大震潰。詩曰。勿士行枚。言
無戰鬪銜枚之事。蓋四國作亂。民多脅從。無待力
攻。然亦必有黨惡逆命梗頑拒戰者。俘而訊之。要
其罪狀之辭。分別處置。當時祿父北奔。管叔自經。
蔡叔囚。霍叔赦。惟奄君受大戮。餘眾事平後益多。

開釋。于時申告之。至于再。諄復之。至于三。冀其終
用命。論衡言管蔡畔周。公告之。至再三。明以此篇
為誅管蔡時事。再三屬告教言。與文三王傳引經
義合。是今文舊說。正足證明鄭義。皮氏乃不用而
用偽孔說。何耶。大罰殛。謂若放流之。迸諸四夷。深
戒之。殛。古多段作極。無至于字。乃字者。蓋今文。

此第三節。曉告戒勉多方。此第二章。申言天命
去就及殷周之故。使多方心服而用命。

王曰。嗚呼。猷告爾有方多士。暨殷多士。今爾奔走臣
我。監五祀。

釋曰上偏告多方及殷民。此以下兩章。別告殷士

大夫之當遷於洛者。上章勉其用命。下章戒其不用命。猷告猶告道。言告導爾有方多士與殷多士。特言殷多士。謂其當遷洛者。逸周書作雒解曰。俘殷獻民。遷于九畢。即此多士。江氏云。監。謂三叔監于殷者。祀。年也。商曰祀。周曰年。告殷民。故曰祀。武王命三叔監殷。殷民皆臣服。于茲十年矣。言五祀者。本其未叛時言。稱其往日之善。以誘道之。案自初立監時至此十二年。云五祀者。武王克殷立監至萌凡五年。時三監叛志未萌。殷士純乎臣服于

周也。皮氏王氏先諫以此監為康叔中旻父及監于洛者。不知康叔中旻父及監洛之次。臣既撫之五年而猶叛。無乃不職之甚。而洛誥所謂殷乃引考伴殷承敘萬年者。又何在乎。再叛再立監。皆偽孔謬說。而堅信力申之何也。

越惟有胥伯小大多正。爾罔不克臬。

箋云周禮有閭胥州長。內則有州伯。今文伯作賦。正作政。大傳說古者十稅一。多于十稅一。謂之大桀小桀。少于十稅一。謂之大貉小貉。王者十一而稅。而頌聲作矣。故書曰越維有胥賦小大多政。臬。

法也。廣雅釋詁馬氏臬作剝。釋文**釋曰**周禮鄉遂之官有

州長黨正族師閭胥等。皆親民施政教平賦役者。州長內則謂之州伯。胥伯者。自閭胥上至州伯也。武王克商。使三監助祿父治民。除紂時虐政貪吏。更選獻民為親民之官。修盤庚之政。故承上臣我監五祀而言於時爾多士有為閭胥上至州伯小大諸正長者。爾無不能守法。以殷獻民行殷先王仁政治殷水火初出之民。適其俗。修其理。而使周之懿親教導之。在武王可謂仁至義盡矣。今文胥伯作胥賦者。江氏云。胥謂繇役。周禮天官敘官胥

徒。注云。民給繇役者。是給繇役者有胥名。小司徒云。凡起徒役毋過家一人。唯田與追胥竭作。是胥實為繇役之名。漢書景帝紀。後二年詔曰。省繇賦。後漢書第五倫傳云。倫後為鄉嗇夫。平繇賦。皆繇賦。聯言。此言胥賦。猶彼言繇賦也。克任。臬準也。于維有繇賦。小大多政。頒令于爾。爾无不任繇賦之準額也。案胥力役之征。賦粟米之征。十稅一以田賦言。什一者。天下之中正也。上之所取。財盡則怨。力盡則叛。紂時用乂。稠斂。召敵讐不息。至此始復什一之正。吏廉平而民安樂矣。馬作剿。段借字。

自作不和。爾惟和哉。爾室不睦。爾惟和哉。爾邑克明。
爾惟克勤乃事。

釋曰 上言其能治民。此言其能教民。據經言克勤
乃事。下又云在乃位。則是有位治事之人。言往時
殷民有自作不和者。謂相為敵讐之小民也。爾惟
和之哉。室者巨室。立政曰。乃有室大競睦敬和也。
爾巨室有不睦者。謂往日師師非度卿士之家也。
爾惟和之哉。爾邑殷邑也。爾能治民教民。俾爾邑
能變昏暗為明。爾惟能勤修乃職事矣。皆述其臣
我監五祀時之善。

爾尚不忘于凶德。亦則以穆穆在乃位。克聞于乃邑謀介。

箋云。忌。壁中古文作基。說文曰。基。忌也。从言。其聲。

周書曰。上不基于凶德。部言穆穆敬也。**訓釋**曰。此言

其從叛出於迫脅。非本志。尚當從古文作上。謂殷侯祿父也。凶德。叛逆也。言爾苟上不畏其于凶德。

則亦以穆穆然敬。至今在爾位。能見簡聞于爾邑。謀以善進汝于王庭矣。簡。簡也。謀。如鄉飲酒禮主人就先生而謀賓介之謀。謂商度其尤賢者而舉之。多士云。肆予敢求爾于天邑商。是也。謀介。猶求

賢。言將擇于汝邑。應我求賢。今不幸曾從不靜。乃

邑既墟。當與汝更始於洛邑也。上言爾邑。此云乃

邑。下別云洛邑。與多士先云乃邑。又云天邑。商下

別云。今朕作大邑于茲洛。正同。一為將遷豫告之。

一為既遷而申告之。皆由故邑之新邑。其為一事。

彰彰甚明。若以此篇為遷洛後五年之事。則辭氣

大不類。且何以於爾邑乃邑。下別云洛邑。與多士

同乎。此時四國皆以平克。殷士如何處置。當豫告

以安其心。上文教告至再至三中。遷洛或已言及。

故下云爾乃自時洛邑。此第三章第一節。言殷

獻民本無叛志。起下遼洛與之更始。

爾乃自時洛邑。尚永力畋爾田。天惟畀矜爾。我有周惟其大介賚爾。迪簡在王廷。尚爾事。有服在大僚。

釋曰言汝本獻民被脅。今舉汝善地與汝更始。爾

乃自是洛邑。庶幾長久用力畋治爾田。所謂宜稼于田也。天惟與爾憐爾。更受祿于天也。我周惟大善爾賚與爾。進簡爾在王庭。由前侯國鄉邑之吏而進為王官。尊尚爾事。且有治職在大官。言當尊賢使能。勉其用命。日進於善。與多士同義。但彼承殷革夏命言。故述夏迪簡在王庭之言而解之。此

因將違而勸勉之。故直告以此。此第二節告以將違洛而勉之。以上第三章。勉將違洛殷多士以用命。又案此時殷士懼罪不暇。故告以原情勿罪。且有簡用之望。多士作於違後三年。殷士漸有求仕之心。故告以惟聽用德。我本旁求。多士惟德不足是患。毋患不用。立賢無方。我亦猶行殷於夏之道也。爾尚不忘三語。諸家說皆未當。故上下文義皆不貫串。無以解皮王之惑。今反覆經文。確得語脈。定其訓義。學者可恍然悟矣。或曰。克聞于乃邑謀介。謂殷侯若不叛。則當循諸侯貢士之常。

爾敬恭在位。能簡擇于乃已。謀介紹于王所矣。亦通。

王曰。嗚呼。多士。爾不克勸忱我命。爾亦則惟不克享。凡民惟曰不享。爾乃惟逸惟頗。大遠王命。則惟爾多方。探天之威。我則致天之罰。離逖爾土。

分離奪汝土也。疏箋云。上文云。享天之命。頗。表也。

廣雅探。取也。逖。同遠也。釋曰。此戒遠洛殷多士。

并及有方多士。毋或不用命。忱。信也。勸忱。謂相勸以信。我教命。爾亦則惟不能享天之祿命。凡民效之。亦惟

曰不能享天命。江氏說以曲禮五官致貢曰享。注云。貢。功也。享。獻也。致其歲終之功于王謂之獻。故云致功曰享。則謂汝不共王事。凡民亦效汝不共。二語本孫氏亦通。逸。放逸也。遠。猶背棄也。孫氏云言汝乃惟放蕩頗邪。大不近王命。則惟汝多方取天威罰。我則致天討離遠汝土。謂放流之。案爾土謂殷士遷洛後所得之地。與多士云尚有爾土同。其有方多士所居之土亦包在內。用命則永畋爾田以致大介賚。不用命則分離遠竄奪爾今所有之土。非復如遷洛之在樂土矣。此第二節戒其不用

命。以上第三章。特告有方多士及殷多士之當遷洛者。明示以勸戒。

王曰。我不惟多詰。我惟祇告爾命。又曰。時惟爾初不克敬于和。則無我怨。

釋曰。孫氏云。祇。敬也。言我不徒多詰。我惟敬告汝

以天命。又言是惟始不能敬和。故令遷居。則無怨我也。案祇告爾命。結上備陳天命也。不克敬于和。結上忌于凶德從叛被遷也。于猶與也。無以遷而怨我。與多士云遷居西爾無我怨同義。此第四章。總結全篇。

古文尚書鄭氏注箋釋卷三十終

古文尚書鄭氏注箋釋卷三十一

曹元弼學

立政第二十八 周書 古文尚書 鄭氏注

箋云史遷說周之官政未次序。於是周公作周官。官別其宜。作立政。以便百姓。百姓說。**釋曰**立政與

周官異時作。而其義相類。故編篇相接。史公因合說之。詳周官序下。孫氏云。以便百姓者。便猶辨也。百姓。百官也。案周官篇官別其宜。此篇詳言官人當用有德以乂民。則民治而說。百姓宜主民言。

周公若曰。拜手稽首。告嗣天子王矣。

箋云史遷說。周公行政七年。成王長。周公反政成

王。北面就羣臣之位。紀周本又說。成王臨朝。周公北

面就臣位。鞠鞠如畏然。魯世家**釋曰**周公率羣臣各

極盡敬禮而告王也。史記所言。正說此經拜手稽

首之義。嗣天子。謂繼體之天子。王矣。言已親王政

治天下矣。立政不可不慎也。

用咸戒于王曰。王左右常伯。常任。準人。綴衣。虎賁。周

公曰。嗚呼。休茲知恤鮮哉。

箋云應劭漢官儀曰。侍中。周成王常伯。

文選藉田賦注引

胡廣侍中箴曰。亦惟先正。克慎左右。常伯常任。實

為政首。古文伯。壁中古文作𠂔。說文曰。𠂔。達也。从

𠂔。白聲。周書曰。常𠂔常任。文漢石經準作辟。綴一

作贊。揚雄雍州牧歲。班固西都賦。風俗通曰。周公將沒。戒成王

以左右常伯。常任準人綴衣虎賁。言此五官存亡

之機。不可不謹也。十三篇**釋曰**。威皆也。羣臣用皆戒

于王曰。王左右之臣。若常伯。常任。準人。綴衣虎賁

諸官者。言未終。周公遽承其言而進戒。故言休茲

云云也。經文自休茲至下。又我受民。雖俱係周公

言。而其下總以予旦受人微言。則是周公授意羣

臣。倡率同進陳戒。又若使其言本出羣臣。已受之

而轉述于王者。蓋一人言之不如衆人言之為可

聽。故為此以求深感動之。

以上參取江氏王氏說

此聖人善

與人同之意。亦周公是時將告老歸。故率羣臣同進戒。欲羣臣能繼其志以輔王。惓惓無窮之意也。常伯常任者。王氏孫氏以下皆歷引漢人說以為王左右近臣。若漢之侍中中常侍。常伯。謂長侍王左右之長。常任。謂常侍左右備任使者。蓋總近臣之稱。非正官名。穆王命伯冏為太僕正。曰正。即常伯之屬也。其屬官即常任之屬也。應劭胡廣等皆以常伯常任當漢之侍中。但漢代侍中多係加官。

無定數。且多雜以宦者。諸葛孔明出師表云。侍中侍郎郭攸之費禕董允等。此皆良實。志慮忠純。則庶乎古之常伯常任矣。準人。王氏先謙云。王左右治獄之官。蓋若國朝之慎刑司也。與下文準人不同。一作辟人者。石經殘碑作常伯常任辟。下關孫云。辟。法也。辟人。謂法官也。皮云。王出入必有執法之官。周禮有朝士屬秋官司寇。故辟人與贊衣虎賁同列。綴衣。江氏謂侍帷幄之臣。蓋即康誥所謂服休服采。續漢百官志內者令。主布張諸衣物。疑即此官。虎賁見周禮。守王宮者。凡此五官。職有

大小輕重。而皆在王左右最切近者。世之盛也。侍御僕從。固非正人。各恭爾位。隨事箴諫。是以官府內外一氣清明。周公所謂休也。及其衰也。以嬖御士疾莊士大夫卿士。甚至如後世宦官之禍。覆亡天下。周公所謂恤也。治遠自近始。故羣臣進戒首及之。而周公深歎之。休。美也。恤。憂也。鮮。少也。王氏先謙云。言此五官皆近臣。最所宜慎。人君美此而知憂此者。少矣哉。周初文言。休恤相對成義。召誥無疆惟休。亦無疆惟恤。可證。案常伯常任。準人。鄭義無考。應仲遠說。或本鄭書注。然正義釋文不及。

馬鄭異義。或今古文說不同。江氏云。常伯常任準人。即夏商之三宅。文武之三事也。綴衣虎賁。文武有其官。夏商則未聞。恤收。鮮善也。美哉此諸臣之戒。知收受其言斯善哉。所戒之詞。下文所云皆是也。亦通。準取其平如水。準人。平法之人。故字亦作辟。岐者。伯之借。孔子國以今文讀為伯。綴贅古通用。此第一章第一節。將言立政之本在用人。此發其端。

古之人迪惟有夏。乃有室大競。顓俊尊上帝。迪知忱怕于九德之行。乃敢告教厥后曰。拜手稽首后矣。曰。

宅乃事。宅乃牧。宅乃準。茲惟后矣。謀面用丕訓德。則乃宅人。茲乃三宅無義民。

殷之州牧曰伯。虞夏及周曰牧。

疏

箋云

迪道也。

釋

有室。大家也。賢卿大夫之家。

孟子離婁注

競彊也。

釋

誠。說文信也。

心部

詁舉陶謨曰。亦行有九德。俊乂在

官。宅居也。

釋

漢石經謀面上有亂字。

釋曰

上言治

遠自近始。此以下因備言用人行政之道。先舉夏

商之事以明之。乃詳論文武立政任人。三王道同。

皆即舉陶謨知人安民之法。江氏云。有夏。謂禹也。

有室。卿大夫之家。競彊也。多賢人。故曰大競。詩云。

无競維人。言古之人有道者。惟有夏之為天子矣。
其巨室多賢。其君招呼其賢俊。以諒天功。以尊事
上帝。大學曰。知至而後意誠。惟道其知。故誠信于
德行。言賢俊之臣能道其知。誠信于九德之行。乃
敢教其君曰。敢拜手稽首有告于吾君矣。能居此
事。牧準三宅之官。此惟君道矣。案有室即孟子所
謂巨室。鄭君詩箋云。人君為政。無彊于得賢人。有
室大競。謂大臣皆賢。籲呼也。籲俊尊上帝。謂俊又
在官。天工人其代之。明德馨香為天所享。故能尊
事上帝。下文成湯釐上帝之耿命。克用三宅三俊。

文武克知灼見三宅三俊。故事上帝皆本此道。迪知者。江氏謂道其知。即大學所謂致知。致知故能知至。真知善之為善。知至而后意誠。知善之為善。故好善如好好色而誠信于九德之行。孫氏謂以道知人。取人以身。惟善知善。故不惑於似是之非。功利之末。而惟人心于德行。蓋古之聖君賢相。其道德學問本原至正。三皇五帝三王其為道也一。故伊尹相湯以堯舜之道。周公制禮單文祖之德。箕子陳洪範又用三德。即皋陶謨之九德。而周公作立政論三宅所用必在九德之行。皋陶曰亦行

有九德。所以成就天下之賢才。化其氣質之偏而歸之中和。此莫大學問。天下治平之本也。畢氏以田謂經二迪字當訓為適。適辭也。迪惟有夏。猶適惟有夏也。迪知忱恂。猶適知忱恂也。於文義甚協。或然。謀而用丕訓德。謀如皋陶謨之謀。而猶向也。丕大也。訓順也。義民。所謂民獻也。三宅皆當得賢人。而知人則哲。惟帝其難。必博謀於衆。而用大順于德之人。則乃宅之於位。如此乃慮三宅無義民乎。言知人雖難。而以德行為權衡。則庶幾不失。所謂謨明弼諧也。茲乃三宅無義民。是反覆抑揚之

辭如弗永寘念于祀。謂弗永寘念于祀乎。此等文法甚多。察其文勢即可知。江氏讀丕為不。謂向用者不順于德。則三宅無義民。王氏念孫讀義為俄。俄。傾邪也。謂用大順德。則三宅無傾邪之民。孫氏從之。而以謀面為察言觀色。云。既誠信所知之人。有九德之行。乃敢拜手稽首以告其君。曰。居乃職事之人。居乃作牧之人。居乃平法之人。茲乃在我后矣。察其言。觀其色。用大順德之人。乃以官居人。此乃職事作牧平法之人。皆無邪民矣。案江孫說並通。如王孫讀。則多方義民為正字。此義民為借。

字。孫氏說此事。牧準與上常伯常人準人別。江氏則以為即蒙上文。詳下。愚又謂謀面者。同僚合謀而入告於君也。曲禮出必告反必面。注云。告面同耳。此上言告教。下言謀面。告面亦同。禮記引書云。爾有嘉謀嘉猷。則入告爾君于內。即謀面之義。變告言面者。臣事君以忠。毋面從而退有後言。又事君盡禮。毋未見顏色而言。恃直輕躁以僨事。忠誠敬禮皆見於面。是以上下相親。規過則改。進善則納也。以人事君者如此。則能以大順之道進大順德之人。而庶幾乎舉陶周公矣。謀上漢石經有亂

字。亂治也。治謀猶善謀。或謂謀治也。

桀德。惟乃弗作往任。是惟暴德。罔後。

釋曰江氏云。桀所為德。惟乃不為往。昔先王之任

賢。惟暴德之人是用。故絕世无後。案桀反禹道。王當以禹為法。桀為戒。此第二節。言夏禹用九德之人。任治民要職。以立政。至桀反之。

亦越成湯。陟丕釐上帝之耿命。乃用三有宅。克即宅。曰三有俊。克即俊。嚴惟丕式。克用三宅三俊。其在商邑。用協于厥邑。其在四方。用丕式見德。

箋云釐。理也。詩臣耿光也。杜林說。從光聖省。說文耳部

釋曰江氏云。亦者。亦夏先王也。即就也。亦于成湯。升天子之位。大理上天之光命。乃用事牧準三宅之官。能就其所居之位。言備職。舉剛克柔克正直三德之俊。能就其俊德。言舉不失實。鴻範云。三德。一曰正直。二曰剛克。三曰柔克。詩羔裘云。三英粲兮。毛傳云。三英。三德也。鄭箋云。三德。剛克柔克正直也。英俊同是才德兼人之名。鄭以洪範三德說詩之三英。則此三俊亦是洪範之三德矣。案越與粵同。又與通通。亦越成湯。蒙上迪惟有夏之文。則畢氏訓迪為通似得之。陟訓升。與天迪格保之格。

同義。丕聲猶文王之大釐其政。上帝之耿命。即天之明命。顧諟天之明命。所以自明其明德也。丕釐上帝之耿命。所以明明德於天下。所謂丕式見德也。天命有德。湯釐上帝之耿命。乃用三有宅之官。能稱其所居之職。其所以能官不失職者。曰舉三有俊德之人。能實其俊德之名。克即宅。舉陶謨所謂無曠庶官也。克即俊。所謂彰厥有常也。三宅即上文之宅。乃事宅。乃牧宅。乃準。三俊。三德之俊。即上文所籲之俊。有九德之行者。九德約之為三德。故曰三俊。詩謂之三英。此虞夏商周相傳知人之

要道也。嚴惟丕式。嚴敬也。離騷曰。湯禹嚴爾祗敬。兮。惟思也。丕式。大法也。即耿命所著之法。由天命之性而敘為典秩為禮。命有德討有罪皆是。湯敬思大法。順帝之則而行之。故官人皆有德以立政。其在商國畿內。用是和協于國內之民。德教加於百姓也。其在天下四方。用是以大發顯見其聖德。形於四海也。天下皆守典由禮。徙善遠罪。所謂丕式見德。皆宅俊之效。多士所謂成湯俊民。旬四方也。

嗚呼。其在受德敬。惟羞刑暴德之人。同于厥邦。乃惟

庶習逸德之人。同于厥政。帝欽罰之。乃倅我有夏。式商受命。奄旬萬姓。

箋云

馬氏曰。受德。受所為德也。

釋文。攷。彊也。詰壁中

古文作忒。說文曰。忒。彊也。从心。文聲。周書曰。在受

德。忒。讀若旻。

部心

釋曰

嗚呼者。受即周所代。其無道

而失天下。尤切近可懼可戒。故歎而言之。江氏云。

紂性彊梁。惟進任刑殺暴德之人。與同于其國。乃

惟衆狎習為淫佚之人。與同于其政。同者。同惡相

濟也。厥邦厥政。互文。案受德與上桀德。文例同。故

馬云。受所為德。皆以不德為德。所謂凶德也。牧誓

云。今商王受。此文稱受正同。不當據逸書以受德二字連讀。目為紂字。受德敬言受之為德。務在彊梁。詩所謂女魚然于中國。斂怨以為德也。羞刑羞進也。謂以言刑名投受所好自進者。暴德以暴虐為德也。庶眾習狎也。庶習謂眾褻狎無禮無度者。逸德以淫逸為德也。受用此等惡人同肆淫虐。自絕于天。故天棄之。欽。孫氏讀為飲。興也。伴。使也。夏中國之人也。式。用也。命。大也。句。治也。言天興罰紂罪。乃使我有中國之人。用受商之大命。大治萬民。案受反湯道。故天命去之而歸周。此第三節言

湯用夏王宅俊之道以立政。至紂反之。而天命在周矣。

亦越文王武王。克知三有宅心。灼見三有俊心。以敬事上帝。立民長伯。

箋云

灼。明也。

釋訓灼。壁中古文作焯。說文曰。焯。明也。

也从火。卓聲。周書曰。焯見三有俊心。

焯。見三有俊心。部俊。漢石經

作會。

釋曰

此以下言文武能用三宅三俊。如成湯

行夏王顓俊之道。以統御衆官內外。立政乂民。以承天命。克知三有宅心。謂任官治職。能夙知居事。牧準三職者之處心。蓋敷奏以言。明試以功。車服

以庸。知之有素。下文所謂則克宅知也。灼見三有
俊心。謂求賢審官。明見所顧有九德之行。分為三
俊者之處心。蓋視其所以。觀其所由。察其所安。見
之必真。下文所謂克由繹之。乃俾乂也。用人以德
為本。德具於心。克知灼見。其心術純正。則德皆實
德。生於心。發於政。皆善政。於以敬事上帝。立之為
民長伯。則所行皆順帝之則。可升中於天。而民無
不被其澤矣。灼焯聲近通借。俊作會者。陳氏云。會
讀如計會之會。會猶最也。胡廣所謂課第長吏。其
有治能者為最。是也。案陳說近之。蓋俊最聲轉。最

會聲通。展轉相變耳。篇內俊字甚多。今文此處作會。未必諸俊字皆然。說文引經作俊。當以古文為

正。

立政。任人。準夫。牧。作三事。

箋云

三事三公。

詩而無正箋義

釋曰

為政在人。文武立政。

首在任人。準夫。所謂宅乃準也。牧。所謂宅乃牧也。

作三事。謂作三事大夫者。總括夏司徒司馬司空

而言。所謂宅乃事也。準夫。下又稱準人。牧。又稱牧

夫。作三事。又云立事。此據孫氏義。與篇首常伯常

任。準人不相蒙。彼近臣。此大臣也。江氏則以任人

即常任。牧即常伯。準夫即前準人。三事總此三者。即三宅也。與詩三事大夫異。任者任事。故上云常任。下云立事。義亦通。要之此為立政治民要職。庶官皆統焉。

虎賁。綴衣。趣馬。小尹。左右摎僕。百司。庶府。

釋曰任人以三宅為至重。而其下內外大小諸臣。皆當以善士為之。職有大小。賢亦有大小。因才器使以屬於三事。則宮中府中俱為一體。小臣不得以聞大臣。無敢以嬖幸惑君聽亂朝政矣。虎賁綴衣。見上。趣馬。小尹者。孫氏云趣馬見詩雲漢。傳云。

歲凶年穀不登。則趣馬不秣。書疏云。趣馬于周禮
為校人屬官。馬一十二匹。立趣馬一人。掌贊正良
馬而齊其飲食。小尹即圉師之類。趣馬即下士。馬
一匹有圉師一人也。案趣馬官雖卑。而於乘輿為
近。故詩十月之交及雲漢皆與大官連舉之。小尹
或總舉贊御諸卑官之辭。左右攜僕者。江氏云。蓋
若周禮太僕射人也。鄭注周禮射人云。射人與僕
人俱掌王之朝位。禮弓曰。扶君。卜人師扶右。射人
師扶左。注云。卜當為僕。聲之誤也。僕人射人皆平
生時贊正君服位者。然則此文左右攜僕正當彼

二官之職也。王氏云。左右攜持器物之僕。謂寺人內小人等也。並通。百司庶府者。江氏云。若曲禮云。天子之六府。曰司土司木司水司草司器司貨是也。周禮則官名言司者尤多。府則有太府玉府內府外府泉府天府之屬。言百言庶。皆凡括諸官之詞也。百司兩見者。蓋內外之別。表臣百司。表之言外。蓋外百司也。案此言侍王之近臣。

大都小伯。藝人。表臣百司。

釋曰大都小伯者。謂大小都邑之長伯。都言大。伯言小。互文。謂若鄉遂之官。與公邑及三等采地之

長吏。藝人者。皆以有德行道藝之人爲之。所謂使民興賢。出使長之。使民興能。入使治之者也。表臣百司。言在外臣工之百職。以別於內官之百司也。此言治民之長官。

大史尹伯。庶常吉士。

釋曰此敦誨故老。博物君子。副貳公卿。爲王拾遺補闕者。故史佚與周召太公並爲四輔。此經與司徒司馬司空相連爲文。孫氏云。周禮太史下大夫二人。掌建邦之六典。所掌事重。故特言其官名。尹伯。長官大夫。周禮每官皆有長。若太史爲史官之

長。大司樂為樂官之長。如此類皆是也。王氏先謙云。太史有尹有伯。皆長官。若兩漢之太史令太史丞也。案春秋傳崔杼弑君太史直書。為杼所殺。其弟嗣書而死者二人。其弟又書。南史氏聞太史盡死執簡以往。蓋史官人多。其長為尹伯。餘則所謂庶常吉士也。奉陶謨曰。彰厥有常吉哉。言九德之行能常行不急。乃為善士。漢世奉常下有博士等官。國朝翰林院自侍讀侍講學士以至修撰編修檢討。又有庶吉士。為儲才清職。皆近之。太史屬於春官。而所掌六典與冢宰為貳。國朝以大學

士掌翰林院。蓋周禮遺意。或曰。太史尹伯。謂太史及諸大夫為官長者。如內史及大司樂太師太祝太卜之等。庶常吉士。謂士為官長者。以上列舉衆官而終於庶常吉士。亦見小大衆職皆克用常人。其惟吉士以屬於三事也。

司徒。司馬。司空。亞旅。

釋曰司徒司馬司空。以三公下兼六卿。上文作三事。總舉之。此指實其官名。亞旅者。其下中下大夫。詳牧誓。江氏云。曲禮云。天子之五官。曰司徒司馬司空司士司寇。鄭注以為殷制。然則殷時天子五

官。文武時為諸侯降于天子。故三官與。案曲禮上
文云天子建天官。五官合天官正六官。六官之設
尚矣。詳甘誓。文王固止三卿。武王伐紂時則當有
六卿。牧誓司徒司馬司空。蓋三公官耳。此文兼據
文武時。或以為三卿。或以為三公兼六卿皆可。以
上官名多與周禮不同者。如百司。亞旅皆總括之
稱。非官正名也。

夷微盧烝。三亳阪尹。

三亳者。詩元鳥疏湯舊都之民服文王者。分為三邑。其
長居險。故言阪尹。蓋東成皋。南轅轅。西降谷也。疏

箋云。烝。君也。

註釋

釋曰

此荒遠之君長。及權時所設

之官。夷。夷地也。微盧。西南夷之二國。牧誓從武王

伐紂者有八國。此舉二以見其餘。或文王時二國

先來服。文王懷柔其君也。三亳。阪尹者。孫氏云。阪

是山陂之名。尹是正長之稱。既分亳為三邑。各為

立長。其長稱阪尹。以居峻險處也。地理志成皋。故

虎牢。或曰制。左傳所云制嚴邑也。輶轅見國策。降

谷即函谷。降函聲相近。江氏云。鄭以亳北臨大河。

於其東西南三面推求。以成皋輶轅函谷當三亳

阪險之處。皇甫謐說三亳以蒙為北亳。穀熟為南

亳。偃師為西亳。不可信也。案亳為紂畿內地。其民不堪紂虐。叛殷而歸周。文王撫綏其民。為立長伯善治之。而納其貢稅於紂。民心屬文。地猶屬紂。然則文王非但率殷之叛國以事紂。且率殷之叛民以事紂。文之末年。三分天下不止有二。伐紂易如反掌。乃不取而服事。夫子所以稱為至德也。此第四節。言文武亦用夏殷先王宅俊之道以立政。因歷舉立政任人所設之官。

文王惟克厥宅心。乃克立茲常事。司牧人。以克俊有德。

箋云。惟克厥宅心。漢石經無克字。宅作度。詩曰。帝

度其心。春秋傳曰。心能制義曰度。**釋**曰。此言文王

能官人。武王率而行之。以成大業。文王惟克厥宅

心。此推言宅俊之本。克厥宅心。猶言克宅厥心。古

人文法多有倒字倒句。讀者當以意逆志。宅厥心。

居心以德也。詩美文王之德曰。於緝熙敬止。即克

宅厥心之謂。孟子曰。仁人之安宅也。義本此。今文

作惟厥度心。亦倒字。當依詩度其心為解。言善其

心。使能制義。古宅度字通。居德能制義。理亦一貫。

取人以身。文王惟能居心以德。制事以義。乃能立

此衆官皆以能俊有德者。茲常事司牧人。總括上
諸官而約舉三宅所掌以統之。常事即宅乃事也。
司牧即宅乃牧也。不言準者。準主平刑法。三事以
三公兼六卿。內有司寇即準人。而牧伯亦有平法
之事。故詩甘棠行露皆言召伯聽訟。凡牧民長吏
亦皆治獄訟。故三宅約言之曰常事司牧。且下文
詳言庶獄庶慎。故此最括其文。文王至仁視民如
傷。故康誥上言明德慎罰。而下言慎罰尤詳。此既
總舉三宅所掌。又別詳庶獄庶慎。下文戒王兩舉
三宅之官。下皆反覆丁寧於勿誤庶獄。前後相例。

則此常事司牧人兼包三宅所掌審矣。克俊與詩
克明克類克長克君文例同。克俊有德。謂能賢有
九德之行。乃以為掌常事司牧之人也。

文王罔攸兼于庶言庶獄庶慎。惟有司之牧夫是訓
用違。庶獄庶慎。文王罔敢知于茲。

釋曰文王所用皆有德之俊。其任之也。不自用而
務盡人之能。兼。謂以人君之尊自用其聰明才能
以兼并羣臣之所長。侵其官使不得盡其才。庶言。
衆臣之言。而太史尹伯為言語侍從之臣。書人君
言動。且掌六典八法八則八枋之貳。得據法以補

衆職之闕。宰相之過。昔辛甲爲太史。命百官官箴。王闕則庶言。尤其專職。周攸兼者。以盛受人。聰明聖知。守之以愚。好察過言。執兩用中也。庶獄庶慎。孫氏云。言諸獄事衆當慎之。下文稱蘇公式敬爾由獄。茲式有慎。知慎即慎獄也。王氏先謙云。衆獄則衆慎之。惟責成有司牧民之人。不更言宅乃準者。以宅準是朝廷專任之一人。如虞廷皋陶作士之比。至於天下刑獄。惟司牧者分任之。而受成於在上之準人。以事至繁重。故非宅準一語所能賅舉也。案準人所掌已包於常事司牧中。此更言治

獄之道當與衆慎之。人君不得兼以己意輕重其
聞。惟當於有司之牧民者是訓其用德與違德。使
知法戒耳。用如克堪用德之用。謂惟德之勤。明于
刑之中。違如我民罔尤違之違。違與德相反。傳曰。
昭德塞違。呂刑云。今爾何監。惟伯夷播刑之迪。教
其用德也。今爾何懲。惟苗民庶威奪貨以亂無辜。
戒其違德也。本文王之遺訓。有司牧夫既盡得其
人。又訓以哀矜折獄與衆共之。惟德之用。無即於
違。則由聽訟而可使無訟矣。何用更以己意兼之
乎。罔攸兼。統庶言庶獄庶慎為文。惟有司二句。則

專承庶獄庶慎而言。故又申之曰。庶獄庶慎。文王
罔敢與知于茲。孫氏云。法者天下之平。君欲知之。
必有承望意旨。以為輕重者。康誥云。勿庸以即汝
封。亦文王不敢與知之義也。案孫說甚是。如此而
有司或有失誤。則庶慎必持之於先。庶言必糾之
於後。而準人且詔王廢置矣。以上言文王任人立
政之法。江氏孫氏皆以文王罔攸兼于庶言絕
句上屬。云。言謂毀譽之言也。漢書李布傳。布曰。陛
下以一人譽召臣。一人毀去臣。臣恐天下有識者
聞之。有以窺陛下。是庶言之不可兼聽也。於經文

義似不甚協而理可通。亦為治者所當知。又案

經兩云有司之牧夫。皆承庶獄而言。則是司獄訟之事。康誥云。司師茲殷罰有倫。呂刑云。司政典獄。司主也。察也。疑古者主法律察獄訟之官謂之司。上文常事司牧人。司即準人。事也。司也。牧也。即所謂宅乃事宅乃準宅乃牧也。三宅司與牧本不同職。而親民之長吏必兼聽訟。故更云有司之牧夫。謂主法律察獄訟之牧民長官。是兼司與牧之任者。呂刑云。四方司政典獄惟作天牧。與此同義。愚見如此。未敢專己。別著於後。

亦越武王。率惟救功。不敢替厥義德。率惟謀從容德。以並受此丕丕基。

箋云

記曰。武王率而行之。救撫也。

說文安也。周禮

注容寬也。

易師象傳虞注

漢石經此作茲。基作其。

釋曰

文

王立政任人之道盡善。武王皆率而行之。江氏云。武王率循文王撫安民庶之功。不敢廢其義德。率循文王之謀。以其寬容之德。用能併受此大大之基也。今文基為其。基之省也。案義德。謂三宅義民克俊有德者。武王克知灼見其心。與文王同。故不敢廢。所謂不改父之臣也。故文王修和有夏之臣。

昭文王迪見冒。後昭武王惟冒。文王博采忠言嘉謀。善與人同。不自用而使羣賢各效其能。有容之德至大。武王從之。惟務主道之知人。而罔攸兼於臣道之知事。不改父之政也。是以繼文之業而集大命於厥身。以上言武王率行文王之道。此第五節。言文武皆用夏殷先王宅俊之道以立政。詳說之以為成王法。

嗚呼。孺子王矣。繼自今我其立政立事。準人牧夫。我其克灼知厥若。丕乃俾亂。相我受民。和我庶獄庶慎。時則勿有間之。

箋云。嗚呼。漢石經作於戲。若善也。釋勿。今文或作

物。論衡用字**釋曰**。此以下勉成王法文武之任人以立

政。江氏云。言孺子今為王矣。繼自今我其立政。當

效法文武于立事。準人牧夫之三宅。我其能明知

其善。乃使之治政。以助我受民。以和平我庶獄。庶

慎之事。案時則勿有聞之。時是也。勿毋也。聞隔也。

言與三宅既灼知其善。於是則毋有或聞隔之中

庸。曰。放大臣則不眩。又曰。去讒所以勸賢。內外大

小所任既無非善人。而人君意誠心正。是非不惑。

舉人周。與人宣。讒邪孰得而聞之。丕乃與亂為文。

法相類。俾使亂治也。不但曰乃使治。而曰大乃使治。蓋重大之意見於辭氣間者。江氏以丕為語詞。然詞者意乃言外。丕之發聲即有大意。如乃為難詞之比。蓋殷周間多有此語。盤庚與此文同也。上言立事準人牧夫。繼言庶獄庶慎。下又云一話一言。皆與上節相應。勿作物。此今文異義。王充引經如此。說為災物間隔其善治。如水氣間堯。旱氣間湯。江氏申之云。時則物有來聞而至者。乃无妄之氣。非政治所致也。自一話一言。政事无非。無敢變易。我則終。惟成德之美士以相我受民而已。案江

以話言為號令。末訓終。理亦可通。但以物為災物。
與古文說絕異。於上下文意錯出不類。疑此特書
家相傳別說。今文舊義未必盡然。侯氏康說司常
雜帛為物。說文勿州里所建旗。是勿即物。又勿。無
也。而物故之物。高堂隆答魏朝訪亦訓為無。然則
今文物字安必非勿之借。舊說不有與古文同者
乎。

自一話一言。我則末惟成德之彥。以父我受民

箋云

話。會合善言也。

說文詩云。告之話言。順德之

言部

行。美士為彥。

釋父。同相也。

釋

曰

人君任賢勿貳。

求善無厭。自一話一言之聞。我則聞其言。見其心。樂觀其德之行。念茲在茲。釋茲在茲。終思此成德之美士。以相我所受之民。末終也。惟思也。話。謂羣臣會合之善言。如禹皋陶語於帝前。及此咸戒于王是也。言一人獨言。如召誥之等是也。大舜樂取與人以爲善。禹聞善言則拜。好善之公且誠如此。夫何所兼。又誰能聞。秦誓曰人之有技。若己有之。人之彥聖。其心好之。寔能容之。黎民尚亦有利。蓋得此意。亦上文所謂容德也。此第六節。勉成王率行文武立政任人之道。以上第一章。歷陳夏

殷先王及文武立政之道務在任賢。周公與羣臣
合辭戒王。

嗚呼。予旦已受人之微言。咸告孺子王矣。繼自今文
子文孫。其勿誤于庶獄庶慎。惟正是乂之。

箋云

微善也。

釋

漢石經已受作以前。微作微。

釋曰

自古之人迪惟有夏。至乂我受民。周公總陳羣臣
之戒。此以下又以己意申之。江氏云。受人之善言。
以上所云是也。周公以所戒託為羣臣之言。故曰
予旦既受人之善言。皆告孺子王矣。繼自今為前
王守文之子孫。承重大之任。其毋誤于庶獄庶慎。

惟中正之人是治之也。孫氏云。獄者萬民之命。故周公以立政告王。獨於庶獄庶慎之事。反復致戒。篇中又呼曰寇蘇公而告之。仁厚之至也。案今文作以前人微言者。言以前人精微之言告王。如論語崇爵。稱仲尼微言之比。然禹湯之事。謂出自前人微言則可。文武之政。身所親歷。不得云前人之言。且羣臣進戒方出一言。周公即乘其言而發大論。繼之云我以前人精微之言盡告王。若使人無可置辭者。無乃兼于庶言乎。惟以己之善言先告羣臣所見皆同。乃總以轉達於王而盡歸美於

人是謂周攸兼于庶也。是謂一話一言惟成德之
彥。其善與人同如此。羣臣就不奮勉以繼其志。而
納善於王乎。古文字得其正。江王義精當不可易。

此第二章第一節承上戒王之辭而更歸重於

庶獄庶慎。

自古商人亦越我周文王立政立事牧夫隼人則克
宅之克由繹之茲乃俾乂。

箋云

由用繹陳也。

釋

今文宅作度由作猶。

漢書藝文志攷

釋曰

此以下總括上文所陳而丁寧戒之。江氏云。

自古商湯亦于我周文王其立政也于立事牧夫

準人之官。則能居得其人。能用陳其謀。斯乃使之
治事。王氏先謙云。所治之事。能用敷陳之。乃使治
之。即唐虞詢事考言之道也。愚謂古蓋謂夏。唐誥
云。殷先哲王。又云。古先哲王。召誥云。相古先民有
夏。又云。今相有殷。上文云。古之人迪惟有夏。故謂
夏為古。又禹皋為堯舜之臣。九德之謨。陳於舜時。
謂夏為古。亦包夏以上也。自古商人。謂自古及商
人。至於我周文王。其立政之道同。由繹。由同。抽。謂
舉其端。繹。謂尋其緒。由其外察其心。聽其言。觀其
行。循其名。考其實。灼知厥若。丕乃俾亂。克宅之。所

謂克即宅也。克由繹之乃俾乂。所謂克即俊也。猶通借字。此第二節言任賢。

國則罔有立政用儉人。不訓于德。是罔顯在厥世。繼自今立政。其勿以儉人。其惟吉士。用勩相我國家。

箋云馬氏曰。儉人。儉利佞人也。釋文漢石經無于字。

在作哉。儉。壁中古文作諄。無其字。說文曰。諄。問也。

从言。僉聲。周書曰。勿以諄人。言一作懋。釋文國一作

邦。說文曰。勩。勉力也。从力。萬聲。周書曰。用勩相我

邦家。讀若萬。力部**釋曰**言為國則無有立政而可用

儉人者。蓋諉邪利口之佞人。學非而博。順非而澤。

心達而險。不順於德。賊仁賊義。自以為有奇才。可
立非常之功。光顯一時。而莠言亂政。利口覆邦。是
無有能以功德顯於世者。罔顯。與罔顯于天。罔顯
于民同義。人君無不欲舉忠求賢。然亡國破家。相
隨屬者。其所謂忠者不忠。而所謂賢者不賢也。繼
自今立政。其克度之克。由繹之。勿誤以儉人。其惟
有常德之吉士。用勉力相我國家。宋代韓范富歐
陽司馬公。二程子。吉士滿朝。一誤用王安石。妄行
新法。遂致民怨沸騰。元氣大喪。羣小接踵。外患莫
禦。幾至亡國。儉人之禍。今古同恨。周公早痛戒之。

矣。盤庚儉民。儉之小者也。此儉人。儉之大者也。說文。儉。諒也。慙。疾利口也。義同。儉。假借字。孔君以正字讀為儉。哉者。在之借。此第三節。言防小人。

今文子文孫孺子王矣。其勿誤于庶獄。惟有司之牧夫。

釋曰 既詳擇吉士。則當委任專一。治獄尤重。故復特舉之。江氏云。于今守文之子孫。乃惟孺子王矣。其毋誤于庶獄。惟有司之牧民者。擇其人而專任之。案上文三言庶獄庶慎。明獄之當慎。此復專舉庶獄之目。以致提撕深戒。上勿誤庶獄庶慎。此勿

誤庶獄。皆承文子文孫言。具有深意。獄者。人民生死所繫。即國命短長所繫。天地之大德曰生。祖宗積德累仁。以受皇天所命民。子孫能繼志述事。視民如傷。任用循吏。久道化成。由政平訟理。以至勝殘去殺。則和氣所感。享國必過其歷。若罔念先王典刑。自用聰明。任喜怒以撓有司之法。甚且亂罰無罪。殺無辜。斲喪天地之元氣。耗竭祖宗之德澤。則慶盡殃來。天命不佑。所謂天子不仁。不保四海。仁本於孝。孔子孝經首章。稱先王有至德要道。以順天下。民用和睦。上下無怨。引大雅云。毋念爾祖。

聿修厥德。天子章稱愛親者不敢惡於人。敬親者不敢慢於人。引甫刑云。一人有慶。兆民賴之。正周公立政之精意。此第四節。申言慎獄。

其克詰爾戎兵。以陟禹之迹。方行天下。至于海表。罔有不服。以觀文王之耿光。以揚武王之大烈。

箋云詰謹也。周禮大司寇注義馬氏曰。詰實也。釋陟陞也。

釋方同溥也。說文觀見。詰耿明。王逸楚辭業也。釋詁方旁溥也。上郭部。詞注。

詩齊譜曰。周公致太平。數定九畿。復夏禹之舊制。

大傳觀作勤。耿作鮮。烈作訓。洛詁傳漢石經有鮮光

字。**釋曰**立政任人如此。則內順治外無敵矣。然安

不忘危。故由刑及兵。大刑用甲兵。宅乃事中。司馬
主兵。又三公有三年黜陟之法。牧伯有征討不庭
之事。詰爾戎兵。立政保民之大用也。詰謹也。兵凶
戰危。自古國家好戰必亡。忘戰亦必亡。聖人治兵。
臨事而懼。好謀而成。四方有敗。必先知之。德威惟
畏。戰勝愈戒。故曰謹。馬訓實者。左傳每言軍實。詰
从吉。吉有實義。蓋足食足兵百將一心。三軍同力
之意。孫以實為責之誤。謂責成於司馬牧伯。又云。
言能謹汝戎兵以陞禹之迹。溥行天下。至于海外
無不服。以見文王之光明。以揚武王之大業。周之

九服。即禹弼成之五服。分為九者。故云禹迹。案德之所施者博。故威之所制者廣。如此則懷柔震疊。守在四夷。天下莫敢有越厥志。四海之民。無不樂其生矣。覲作勤。假借字。耿作鮮。字異義同。鮮亦明也。烈作訓。義並通。此第五節。言慎治兵。

嗚呼。繼自今後王立政。其惟克用常人。

箋云皋陶謨曰。彰厥有常。吉哉。**釋曰**又我受民勩

相我國家。以至於覲光揚烈。皆得人之效。故又歎言繼自今後王立政。其惟克用常德之人。即上文所謂吉士也。人德貴有常。孔子曰。君子中庸。庸。常

也。用中為常道也。又曰庸德之行。庸言之謹。謂德
常行也。言常謹也。是謂常人。若無恒之凡民。則不
足用。反常之愴人。則更不可用矣。上言孺子王。此
言後王者。欲王行此道。以為後王法。垂萬世無疆
之休也。此第六節。總結上文。以上第二章。周
公承羣臣進戒之言。而以己意諄復申之。惓惓忠
愛之忱。萬世如見焉。

周公若曰。太史司寇蘇公。式敬爾由獄。以長我王國。
茲式有慎。以列用中罰。

箋云式法。說文由用也。易豫四易曰。利用獄。列等。
工部鄭注

比也。

禮記服問注

春秋傳曰。昔周克商。蘇忿生為司寇。

釋曰

周公告王既終。又舉慎獄一事。呼太史而告

之。此太史蓋既史佚。周禮太史掌六典八灋八則之貳。以逆邦國官府都鄙之治。蓋副貳冢宰以贊王迎受報政功狀者。六典內有刑典。司寇所建以詰邦國。冢宰統之。太史貳之。故呼太史而告以司寇。蘇公之善於其職。足為後世刑官之法。蘇公武王時司寇。蓋仁人善治獄者。式訓法。即康誥陳臬之臬。爾者。爾蘇公。由獄為蘇公專職。故曰爾由獄。對長我王國之我言。式敬爾由獄。謂用先王良法。

敬爾治獄之事。惟以慎重惻怛出之。不敢有輕心。

私意參乎其間。使獄囚受絲毫法外之苦。

吾友梁文忠公

鼎芬守武昌勤恤愛民其條教有此語

所謂惻瘼乃身敬明乃罰也。

長。謂培植滋長。表於折獄。好生之德。所以培益國

本。言蘇公奉法敬治獄事以增長我王國之祚也。

茲式即用獄之式。有讀曰又列。猶比例也。中罰得

中之罰。所謂制百姓于刑之中以教祇德也。奉法

既善。而法有常情無定。小大之獄察必以情。或法

重而情輕。據法行罰即為失中。必於此法之中又

加審慎。推情法意。得其等比而用之。乃為中罰。故

曰以列用中罰。言必獄情與法意相比附乃用之。不可徒執律文以枉罰人也。此嘉蘇公用獄之善。使太史以此道贊王受成也。昔先仲兄文愨公福元觀察河南時。有商家學徒竊其主銀五百兩者。於律滿貫當斬。然追賊已得大半以外。昏愚觸死。情殊可憫。而臬司執法不肯末減。兄服念數日。乃豁然曰。律所言者係庫秤。此所竊者較之庫秤不過四百數十兩。並未滿貫。乃得免死。所謂茲式有慎以列用中罰者與。或曰。式用也。式敬爾由獄。用敬爾治獄也。茲式有慎。茲用所有敬慎之法。以條

列用中罰。中罰。中典也。周禮曰。刑新國用輕典。刑
平國用中典。刑亂國用重典。當時天下太平。正當
用中典常刑之法。列者布列。如懸刑象及頒條教
之類。中典。中也。其或有時而用輕。或誅元惡大慝
不得已而偶用重。權也。權而得宜。亦中也。權者。聖
人所尤慎。若不幸而過。與其殺不辜。寧失不經。其
猶近於中乎。此第三章。呼太史而告以慎獄之
事。